

27.01.2021

Ambasador Jakob Finci
Jevrejska zajednica Bosne i Hercegovine
Hamdije Kreševljakovića 59,
Sarajevo 71000, Bosna i Hercegovina

Uvaženi predsjedniče, ambasadore Finci,


Na Međunarodni dan sjećanja na žrtve holokausta, Kongres Bošnjaka Sjeverne Amerike dijeli tugu sa vašom zajednicom i sjeća se miliona stradalih Jevreja od strane fašističkih režima tokom Drugog svjetskog rata.

Sedamdeset i šest godina kasnije, moramo pamtiti i nastaviti otimati od zaborava neshvatljivi i varvarski čin nasilja usmjerenog protiv naroda koji je u svojoj srži promovisao vjeru i čovječnost. Usred mraka, 27. januar 1945. godine se pojavio kao dan nade. Hiljade zatvorenika oslobođeno je iz zloglasnog nacističkog logora za istrebljenje, Auschwitz-Birkenau. Iako je oslobađanje predstavljalo kraj zvjerstvima u Aušvicu, ono je označilo i početak bitke preživjelih za pravdu i odgovornost. Preživjeli su hrabro podijelili svoje priče, stvarne noćne more o nezamislivim zvjerstvima i uklete slike koje su im se zauvijek urezale u sjećanje. Neprocjenjivi izvještaji preživjelih su pokazatelji ljudske otpornosti, hrabrosti i dostojanstva. Svakom ko je preživio holokaust dužni smo zbog njihovih priča. To su ključne životne lekcije koje nas podsjećaju da ćutanje omogućuje nehumanosti da prevlada. Ako utišamo njihov glas, ako dopustimo da zaboravimo ili se usudimo sumnjati, dopuštamo zlu da ugasi svjetlost nade, samog temelja dobra u čovječanstvu.

Oni koji su bili dovoljno hrabri da govore protiv nacističkog režima, koji su bez oklijevanja pomagali svojim progonjenim susjedima, odabrali su put dobra protiv zla. Moramo učiniti isto, tj. moramo osuditi svaki pokušaj negiranja holokausta i zločina u svijetu. Nikada ne smijemo zaboraviti šest miliona Jevreja i milione drugih nevinih žrtava ubijenih u nacističkim logorima smrti. Moramo se sjećati tih prerano ugašenih života, kao što moramo slušati i prepoznati hrabri duh onih koji su preživjeli.

Uz Međunarodni dan sjećanja na žrtve Holokausta, Kongres Bošnjaka Sjeverne Amerike pridružuje se jevrejskoj zajednici s obavezom, ne samo da svjedočimo, već da djelujemo protiv mržnje, diskriminacije i fanatizma, gdje god se manifestuju. Molimo Boga da blagoslovi uspomenu na milione stradalih i da nam da snage i hrabrosti da ostvarimo svoj svečani zavjet: “Nikad ne zaboraviti” jer nikada više ne smijemo dopustiti da zlo prevlada.

S poštovanjem,



Eldin Kajević
Predsjednik